



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Fasti Mariani Cum Divorvm Elogiis In Singvlos Anni Dies  
Distribvtis**

**Brunner, Andreas  
Pfeffer, Wilhelm**

**Antverpiæ, 1637**

S. Antonius Ep. 12. Februarii.

**urn:nbn:de:hbz:466:1-44055**

12. Feb. VITÆ SANCTORVM. 91  
quid est, quod matutinâ prece totius diei custodiam no-  
lumus postulare? quid est, quod homini toto tempore  
astare libet, Deo nec puncto assistere libet? S. Pet.  
Chrys. serm. 43.

S. ANTONIUS EP. 12. Februarii.

In videbis juventus suum ANTONIO puerulo  
Doctorem. Hic, si nescis, S. Spiritus erat. Hoc,  
neque alio magistro primas ille literas didicit. Et  
verò Minerval cælo dignum persolvit; sive cum  
ludentis pueritiæ societatem aversatus viro dignæ  
puer egit, aras struxit, aris thura, & quæ thure sua-  
vius olenit apud Superos, preces dedit; sive cum  
postea mundo totum sese surripuit Numinisque  
cultui inter monachos mancipavit. In hac quoque  
virtutis scholâ tam profecit ANTONIVS, ut in  
suam deinde sententiam mundique contemptum  
etiam parentem pelleixerit. Et vidisses tunc gran-  
dævum parentem sub filii disciplinâ adolescere,  
vitæ rationem à filio discere, jamque in filio pa-  
rentem agnoscere. Sed hoc quoque mortuo AN-  
TONIVS in hereditatem miseros evocavit. At cum  
in tot heredes non sufficeret illa, ingentem auri  
vim Angelus auctarium adjecit. Plura deinde E-  
piscopatus Constantinopolitanus suggestit, ut in-  
fusa jam non tam ANTONIVM quam miseros rege-  
ret. A morte mulierem, quæ crus fregerat, ut fu-  
nus comitari posset, in pedes erexit, & ut hæredes  
suos neque mortuus videretur neglexisse, cresce-  
re, quæ tunc erogabatur, inter manus stipem fecit.  
Odor denique mirus etiam in cadavere virtutem  
laudavit. Ex Niceph. apud Sur.

Esto homo, esto & Dei sacrificium & sacerdos: in-  
dassere sanctitatis stolam, praæcingere baltheum casti-  
tatis,

92 VITÆ SANCTORVM. 12. Feb.  
tatis, sit in velamento capitis tui Christus, crux in  
frontis munimine: in odorem thymiana orationis semper  
accende, altare cor tuum pone. S.Pet.Chrys.ser.108.

S. JULIANUS CONF. 12. Februarii.

**Q**uarties dum hostem petit, se fauciāt & suos  
ira! Domo aberat JULIANVS, familiam con-  
juge curante. Interea parentes adsunt, & quem  
puerum amiserant, filium querunt. Heu quām  
præstabat nunquam invenire! At conjux gratula-  
ta sibi, quod benefacere etiam absenti JULIANO  
in parentibus posset, humanissimis verbis hospi-  
tes salutat, epulo lautissimo excipit, ab epulo in  
suo thalamo molliter locat, nescios funebrem se  
lectum concendere. Et forte jam filium somnia-  
bant: cùm ecce adest hic, & ubi primum à gemi-  
nis premi lectum videt, sive nox, sive thori violati  
suspicio oculos fascinaverat, præcipiti vindictâ  
utrumque ferro trajicit, lectumque dum ab adul-  
terio purgare parat, ah! paricidio maculat. Mox  
uxor superveniens, & dies facinus monstrant. Hic  
demum JULIANVS non longius fugisse se parentes  
ingemiscere; accusare paricidas manus, ultrò om-  
nes culeos advocare, denique cogitare, quî nefas  
tantum seriò in se castigaret. Longum supplicium  
placuit. Xenodochium propter fluminis ripas  
construxit, rectius in hoc hospites pauperes ac-  
cepturus, omniumque ipse bajulus per undas fu-  
turus. Et fuit cùm leprosi formam Christus induit.  
Hunc cùm JULIANVS transportatum foco fovisset  
rigentem, mensâ esurientem, & suo lectulo dor-  
mitientem, ecce paricidii veniam manifestus,  
vel dedit, vel olim datam nuntiavit. Perrexit ta-  
men ille operam suam eò studiosius probare, quod  
hospiti-